



Broj: UP09-07-1-1990/24
Sarajevo, 06.08.2024. godine

Ministarstvo pravde Bosne i Hercegovine, rješavajući Zahtjev Bosansko-hercegovačke integrativne dječje i adolescentne psihoterapijske Asocijacije, sa sjedištem u Sarajevu, ulica Emerika Bluma broj 9A, zastupane po punomoćniku Alečković Kemal, advokatu iz Sarajeva, u predmetu upis promjena u Registru udruženja, na osnovu člana 43. stav (2) Zakona o udruženjima i fondacijama Bosne i Hercegovine («Službeni glasnik BiH», br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija («Službeni glasnik BiH», broj 68/18), donosi

RJEŠENJE

1. U Registru udruženja Ministarstva pravde Bosne i Hercegovine, kod Bosansko-hercegovačke integrativne dječje i adolescentne psihoterapijske Asocijacije, sa sjedištem u Sarajevu, ulica Emerika Bluma broj 9A, upisane pod registarskim brojem RU-1693, Knjiga I Registra, dana 16.02.2015. godine, upisuju se promjene, kako slijedi:

1.1. Usvajanje Statuta Udruženja broj: 01-A/24 od 30.07.2024. godine.

- 1.2. Promjena ciljeva i djelatnosti Udruženja, tako da isti glase: promicanje, razvoj, unapređenje edukacije iz oblasti psihoterapije i psihoterapijskog savjetovanja, za djecu, mlade na području Bosne i Hercegovine, sa ciljem očuvanja i unapređenja mentalnog zdravlja i dobrobiti svakog djeteta/adolescenta, kao i poboljšanja kvalitete života obitelji, djece i mladih; zalaganje za promicanje izobrazbe stručnjaka u oblasti: dječje i adolescentne integrativne psihoterapije i psihoterapijskog savjetovanja, integrativne psihoterapije za odrasle, tehnika i vještina u radu sa djecom, kriznih intervencija i supervizije putem predavanja, radionica i treninga u skladu sa europskim standardima; promicanje i pomoć u edukaciji stručnjaka u oblasti specijalističke edukacije iz seksualnog zdravlja, terapije i savjetovanja, s posebnim fokusom na razumijevanje bio-psihoseksualnog razvoja, prepoznavanje, prevenciju i tretman seksualne zloupotrebe, posljedica i pružanje efikasnih intervencija kroz najnovija znanstveno-stručna dostignuća, u skladu s europskim standardima HDST (Hrvatsko društvo za seksualnu terapiju) i EFS (The European Federation of Sexology), u cilju očuvanja i unapređenja zdravlja i kvalitete života djece, mladih i odraslih; promicanje neformalnog programa cjeloživotnog obrazovanja iz oblasti Propedeutike psihoterapije, koji propisuje SPUuBiH (Savez psihoterapijskih udruženja u Bosni i Hercegovini), u skladu sa Strasburškom deklaracijom o psihoterapiji i propozicijama EAP-a (European Association for Psychotherapy), u cilju unapređenja znanja iz oblasti psihoterapije; promicanje neformalnog programa cjeloživotnog obrazovanja u cilju kontinuiranog profesionalnog i ličnog razvoja (CPD), kao i promoviranja visokih standarda etike, obuke i obrazovanja za dobrobit opće javnosti, u skladu s EAP; pomoć i zalaganje za uspostavljanje Akademije za psihoterapiju koja će nuditi akademske programe i istraživačke projekte u oblasti psihoterapije; pružanje kontinuirane profesionalne edukacije (CPD) za psihoterapeute i druge stručnjake u oblasti mentalnog zdravlja, za dobrobit opće javnosti, u skladu s EAP; rad na uspostavi savjetovališta, supervizije provedene od ovlaštenih supervizora i edukatora regulirano od EIATSCYP (European Interdisciplinary Association for Therapeutic Services for Children & Young People) i EAP; unapređenje provođenja edukativnih aktivnosti s područja razvojne psihoterapije i srodnih struka, te poticanje visokog stupnja stručnog i znanstvenog rada kroz istraživanja, na način predviđen Zakonom; razvijanje interdisciplinarnе suradnje sa domaćim ili inozemnim srodnim udrugama, univerzitetima, istraživačkim institutima i

institucijama i pojedincima, u projektima koji se bave edukacijom i tretmanom djece, adolescenata i odraslih u skladu sa Zakonom; promicanje razvijanja jedinstvenih standarda u cilju zaštite prava djece i adolescenata i poboljšanja uvjeta za pravilan mentalni razvoj, u skladu sa europskim i svjetskim standardima; zalaganje za uključivanje u određene oblike edukacije i suradnje svih profesija koji se bave zaštitom zdravlja i dobrobiti djece i mladih u skladu sa Zakonom; edukacija i informiranje sa svrhom provođenja preventivnih aktivnosti usmjerenih na jačanje odrednica zdravlja, ranog prepoznavanja emocionalnih poremećaja i poremećaja u ponašanju, neurorazvojnih poremećaja i adekvatnih intervencija, što uključuje obitelji, a posebice mladih obitelji o značenju i ulozi roditelja u razvoju djeteta i značaju razvoja sigurne privrženosti, odgajatelja u vrtićima, učitelja, nastavnika, učenika i roditelja u školama putem predavanja, radionica i publikacija; zalaganje za uspostavu organizacije i provođenja mjera zaštite traumatizirane, zlostavljane i zanemarene djece, djece koja su rizična za zlostavljanje i zanemarivanje (djece s problemima u učenju, ADHD sindromom, kroničnim bolestima, prijevremeno rođenom djecom, djece iz obitelji s narušenom dinamikom i rizičnim obiteljima, djece čiji su roditelji pod intenzivnijim roditeljskim ili općim stresom, visokokonfliktnim razvodom i dr.), te djece i mladih u kontaktu sa zakonom sa ciljem uspostave i provođenja multidisciplinarnе dijagnostike i timske planiranja najboljeg mogućeg tretmana u suradnji sa srodnim institucijama u najboljem interesu djeteta i njegove dobrobiti (škola, vrtić, CZSR, CMZ, policija, domovi, dječja sela, i dr.), na način predviđen Zakonom; unapređenje u organizaciji kontinuiranog usavršavanja u primjeni novih metoda rada sa psihotraumatiziranim djecom i mladima, te njihovim obiteljima, te zalaganje za koordiniranu suradnju s drugim stručnjacima mentalnog zdravlja, srodnim udruženjima, institucijama i pojedincima, s ciljem razmjene iskustava i kreiranja zajedničkih programa i pristupa, u zemlji i inozemstvu; rad na poticanju stručnog i znanstvenog rada i istraživanja članova Udruženja kroz kontinuiranu edukaciju, superviziju, lični razvoj, te sudjelovanje na stručnim i znanstvenim skupovima u zemlji i inozemstvu; zalaganje za kontinuiranu i sustavnu superviziju stručnjaka koji rade sa djecom, mladima i obiteljima, te razvoj redovnih kontakata sa srodnim institucijama, koje komuniciraju s djetetom (bolnica, vrtić, škola, centar za socijalnu skrb, policija, sud, dječji dom); organiziranje stručnih seminara, predavanja, iskustvenih radionica, konferencija, kongresa, u svrhu ostvarivanja ciljeva i djelatnosti Udruženja u skladu sa Zakonom; zalaganje za provođenje visokog stupnja edukacije iz oblasti forenzične djelatnosti i evaluacije; informiranje stručne medicinske javnosti kroz suradnju i suradnju sa medijima; izdavanje naučnih časopisa, priručnika, udžbenika, brošura, promotivnog materijala, s ciljem promicanja dječjih prava, te senzibilizacije društva, a naročito stručnjaka o ozbiljnosti problema zlostavljanja djece, mogućnosti prepoznavanja i pružanja odgovarajuće pomoć i podrške, te podizanja javne svjesnosti o važnosti očuvanja i unapređenja mentalnog zdravlja i kvalitete života djece, adolescenata i obitelji, u svrhu ostvarivanja ciljeva i djelatnosti Udruženja na način predviđen Zakonom; zalaganje za obezbjeđivanje uvjeta za otvaranje Poliklinike za zaštitu djece, mladih i obitelji; rad na zaštiti od seksualne eksploatacije i zlostavljanja i zastupanje nulte tolerancije na seksualnu eksploataciju i zlostavljanje (Zaštita od seksualne eksploatacije i zlostavljanja - ZSEZ) s ciljem zastupanja eksplicitne politike nulte tolerancije na seksualnu eksploataciju i zlostavljanje (u skladu sa UN definicijom); podrška Inicijativama za podizanje svijesti među članovima udruženja u pogledu zlostavljanja (ZSEZ), obaveznu obuku za sve članove o ZSEZ politici i procedurama organizacije, odgovorno djelovanje kroz reagovanje i prijavljivanje na prekršaj.

1.3. Lice ovlašteno za zastupanje Udruženja u pravnom prometu je:
Mirela Badurina, izvršna direktorica.

1.4. Imenovanje predsjednika Skupštine Udruženja.

2. Ovo Rješenje će se objaviti u „Službenom glasniku BiH“, o trošku podnosioca zahtjeva.

O b r a z l o ž e n j e

Bosansko-hercegovačka integrativna dječja i adolescentna psihoterapijska Asocijacija, sa sjedištem u Sarajevu, ulica Emerika Bluma broj 9A, upisana u Registar udruženja kod Ministarstva pravde Bosne i Hercegovine, pod registarskim brojem RU-1693, Knjiga I Registra, dana 16.02.2015. godine, podnijela je putem ovlaštene osobe, dana 05.07.2024. godine, Zahtjev za upis promjena u Registru udruženja ovog Ministarstva

Uvidom u priloženu dokumentaciju, Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti upis u Registar udruženja. Ministarstvo je aktom broj: UP09-07-1-1990/24 od 09.07.2024. godine zatražilo ispravku i dopunu zahtjeva.


Postupajući prema navedenom aktu Ministarstva, podnosilac zahtjeva je podneskom od 01.08.2024. godine izvršio izmjene i dopune zahtjeva, te uz Zahtjev priložio sljedeću dokumentaciju: Punomoć za Alečković Kemala, advokata iz Sarajeva od 04.07.2024. godine; Zapisnik sa sjednice Skupštine od 30.07.2024. godine; Spisak članova sa sjednice Skupštine od 30.07.2024. godine; Odluku o usvajanju novog Statuta Udruženja broj: 02-A/24 od 30.07.2024. godine, Statut Udruženja broj: 01-A/24 od 30.07.2024. godine, u dva primjerka; Odluku o imenovanju organa Udruženja, broj: 03-A/24 od 30.07.2024. godine; ovjerenu fotokopiju lične karte i ovjeren potpis lica ovlaštenog za zastupanje Udruženja u pravnom prometu, te dokaz o uplati administrativne takse.

Uvidom u priloženu dokumentaciju utvrđeno je da su ispunjeni uslovi propisani članom 43. stav (2) Zakona o udruženjima i fondacijama Bosne i Hercegovine i člana 4. Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja za Bosansko-hercegovačku integrativnu dječju i adolescentnu psihoterapijsku Asocijaciju, pa je riješeno kao u dispozitivu.

Na ovo Rješenje naplaćena je administrativna taksa u iznosu od 50,00 KM u skladu sa TAR. Brojem 108. Odluke o dopuni tarife administrativnih taksi („Službeni glasnik BiH“ broj: 73/17).

Pouka o pravnom lijeku:

Protiv ovog Rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog Rješenja.



Dostavljeno:

- Kemal Alečković, advokat
Ulica Branilaca Sarajeva broj 21, 71 000 Sarajevo
(za Bosansko-hercegovačku integrativnu dječju i adolescentnu psihoterapijsku Asocijaciju),
i ovjeren primjerak Statuta broj: 01-A/24 od 30.07.2024. godine;
- Zbirka isprava;
- JP NIO "Službeni list BiH".